

POTENZA – TARDE NUESTRE = 2 A 0...LE UÁJE D'A PEGNÁTE LE SÁPE 'A CUCCHIÁP

L'ha mann't Aldo XP "Diecipalazzine"
lunedì 22 ottobre 2012

E ce jééééé? Ste’ qualche ccóse ca no’nge me convìnge. ‘Sta squàdre téne qualche malatije. Ste’ quálche ccóse ca no’nge fásce sta scuscetáte le uagnúne. Ce sàcce! Quàrchedune ca ste jènghe le rēcchie a qualche sciucatóre. Mah! Quàrche sèrpa fràcede ca no’nge vo’ccu sparisce. Accussi me páre a mme’! Áme fátte ‘na bèlla fegúre de m……… súse a Rai Sport. N’avíme fátte fa’fèsse púre da ll’úrteme d’a clásse. Quèste jé vàrche ca ‘no s’addrèzze. Aspiiiiiiiii! Ósce stáve púre quèdda malaúrije de ll’allenatóre ca ha státe cacciáte. Ma no’sse putéve sta’a ccása sóve ca de dånne, ìdde e ll’amíce sue, ggìa n’hònne fátte assàje? A qqà ste da strazzà ‘a gramègne. Tútte quídde bedúne c’hònne venúte a pigghiárse ‘a penzióne a qqà cu pigghiene ‘a baligge e cu se ne vònne a lle casere lóre. Cu le turnise ca se stónn’a pigghiene, n’accattámme n’otre e vinte uagnúne accóme se déve e nóne tútte ste nonònne. Ce s’hònne míse ‘ngápe, apprísse all’amíce lóre, de uastárne ‘a menèstre púre st’anne, hònne capíte mále. A qqà me páre ca le pulizzíe no’nge hònne avàstate. ‘Nge vóle ‘a disinfestazione!

Comungue, Giacomi, státte scuscètate. Tu ‘u sé ggìa ‘u fátte túve. Hònne acchiáte ‘u cùgne d’u stèsse legnàme. Cioè, ce se crètene ca pònne fa’le fátte lóre, hònne capíte mále mále. Beh! Giacomo. N’ha succèsse níende! Sciàme nnànze! Forza Tarando! E n’applàuse alle tarandíne c’hònne sciúte a Potènze. Aggàrbate Uagnu’!